



# ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ N° Վ- 20/5

## «ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«23» Մայիսի 2023թ.

### 1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի հասարակական կարգի պահպանության ծառայության աշխատակից Ա. Գաբրիելյանի կողմից 29.03.2023 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 152.2-րդ հոդվածի 1-ին մասով նախատեսված վարչական իրավախախտում, մասնավորապես՝ «Գոռ 10» սահմանափակ պատասխանատվությամբ ընկերության տնօրեն Արման Մարատի Ղազարյանի կողմից Երևան քաղաքի Մամիկոնյանց փողոցի հ. 49 շենքի հ. 27/1 հասցեի շինությունը (նպատակային նշանակությունը հասարակական) փաստացի օգտագործվում է որպես արտադրական նշանակության օբյեկտ (հացի արտադրամաս), որի վերաբերյալ 30.03.2023 թվականին կազմվել է վարչական իրավախախտման վերաբերյալ թիվ Ա-002287 արձանագրությունը (հետայսու՝ Արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

«Գոռ 10» սահմանափակ պատասխանատվությամբ ընկերության տնօրեն Արման Մարատի Ղազարյանը ծանուցված լինելով 23.05.2023 թվականին կայանալիք գործի քննության տեղի և ժամանակի մասին չներկայացան, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ:

### 2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, ընկերության պետական գրանցման վերաբերյալ քաղվածքը, անշարժ գույքի նկատմամբ իրավունքների պետական գրանցման վկայականի պատճենը և իրավախախտման հայտնաբերման պահին կատարված լուսանկարները:

### 3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ 29.03.2023 թվականին «Գոռ 10» սահմանափակ պատասխանատվությամբ ընկերության տնօրեն Արման Մարատի Ղազարյանի կողմից Երևան քաղաքի Մամիկոնյանց փողոցի հ. 49 շենքի հ. 27/1 հասցեում գտնվող հասարակական նշանակությամբ անշարժ գույքը փաստացի օգտագործվում է որպես արտադրական նշանակության օբյեկտ՝ հացի արտադրամաս: Նմանօրինակ գործունեության իրականացումը չի համապատասխանում ՀՀ Կառավարության 14.04.2021 թվականի հ. 600-Ն որոշման 1-ին հավելվածում նշված դասակարգումներին և այդպիսի գործառնության իրականացումը



պետք է համապատասխանեցված լինի նույն որոշման 2-րդ հավելվածով նշագրված դասակարգման ցուցանիշներին:

«Գոտ 10» սահմանափակ պատասխանատվությամբ ընկերության տնօրեն Արման Մարատի Ղազարյանի կողմից թույլ է տվել Օրենսգրքի 152.2-րդ հոդվածի 1-ին մասով նախատեսված վարչական իրավախախտում:

Հաշվի առնելով, որ «Գոտ 10» սահմանափակ պատասխանատվությամբ ընկերության տնօրեն Արման Մարատի Ղազարյանը չի ներկայացել գործի քննությանը, որի շրջանակներում հնարավորություն ունենա ներկայացնելու բացատրություններ և պարզաբանումներ՝ իրավախախտման հետևանքների վերացրած լինելու մասին, որի վերաբերյալ չի ներկայացրել նաև որևէ գրավոր դիրքորոշում, իսկ վարչական մարմինն իր միջոցներով հնարավորություն չի ունեցել ձեռք բերել այնպիսի փաստական հանգամանքներ, որոնք քննարկվող գործի նկատմամբ առավելապես կարող էին ունենալ զանցանքը մեղմացնող վարչական մարմնի հայեցողական լիազորության իրացման համար, ինչպես նաև հետազոտելով գործում առկա բոլոր նյութերը, հետևում է, որ տվյալ դեպքում առկա չէ վարչական իրավախախտման համար պատասխանատվությունը մեղմացնող հանգամանք:

#### 4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ունեցվող հակաիրավական, մեղավոր (դիտավորյալ կամ անգոյշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 152.2-րդ հոդվածի 1-ին մասի համաձայն՝ շենքերը և շինությունները՝ օրենսդրությամբ սահմանված պահանջների խախտմամբ ոչ նպատակային օգտագործելը՝ առաջացնում է տուգանքի նշանակում՝ սահմանված նվազագույն աշխատավարձի քսանապատիկից մինչև հիսնապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 34-րդ, 152.2-րդ հոդվածի 1-ին մասով, 219.1-րդ, 252-րդ, 281-րդ և 282-րդ հոդվածներով, Երևանի քաղաքապետի 30.05.2022 թվականի թիվ 1986-Ս որոշմամբ՝

#### ՈՐՈՇԵՑԻ

1. «Գոտ 10» սահմանափակ պատասխանատվությամբ ընկերության տնօրեն Արման Մարատի Ղազարյանին Օրենսգրքի 152.2-րդ հոդվածի 1-ին մասով ենթարկել վարչական պատասխանատվության նշանակելով վարչական տույժ 50.000 ՀՀ դրամ գումարի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՇՈՒԹՅԱՆ  
ՊԵՏԻ ՏԵՂԱԿԱԼ՝



ԱՐԱՄ ՄԱՐՏԻՐՈՍՅԱՆ